

**Namminersornerullutik Oqartussat suliffeqarfiutaasa namminersortitat
naatsorsuuseriveqarnerat il.il. pillugit Namminersornerullutik Oqartussat nalunaarutaat nr.
25, 26. november 1998-imeersoq Atuussimasoq (Historisk)**

Namminersornerullutik Oqartussat naatsorsuuseriveqarnerat il.il. pillugit Inatsisartut inatsisaanni nr. 23-mi 3. november 1994-imeersumi § 3 naapertorlugu aalajangersakkat makku aalajangersarneqarput:

Kap. 1.

Atuuffii nassuiaatillu

§ 1. Nalunaarut una Namminersornerullutik Oqartussat suliffeqarfiutaannut namminersortitanut atorneqassaaq. Suliffeqarfittut namminersortitatut paasineqassaaq Namminersornerullutik Oqartussat suliffeqarfiutaat ilanngaasikkanik aningaasaliiffigineqartarnikkut aningaasanut inatsimmi ilanngunneqartoq.

Imm. 2. Suliffeqarfiit namminersortitat uku nalunaarutip atuutilernerani ilaapput:

- 1) Greet Greenland
- 2) Nukissiorfiit
- 3) Amutsiviit
- 4) Misissueqqaarnerit
- 5) Mittarfeqarfiit

§ 2. Aningaasaqarnermut Pisorta qarfiup aalajangissavaa suliffeqarfiit allat assingusut nalunaarummi ilanngunneqassanersut.

Kap. 2.

Aalajangersakkat nalinginnaasut

§ 3. Ukiumi naatsorsuuteqarfiusumi Landskarsimi ukioq aningaasanut inatsiseqarfiusoq malinneqassaaq.

Imm. 2. Suliffeqarfiup piffissaq naatsorsuuteqarfia siulleq ukiumit aningaasanut inatsiseqarfiusumit sivikinnerusinnaavoq.

§ 4. Ukiunut naatsorsuuteqarfiusunut tamanut suliffeqarfiup qullersaqarfia ukiumoortumik naatsorsuusiortassaaq Namminersornerullutik Oqartussat naatsorsuuseriveqarnerat il.il. pillugit inatsit aammalu nalunaarut una naapertorlugit. Ukiumoortumik naatsorsuutit minnerpaamik imarisassavaat angusanut naatsorsuutit, oqimaaqatigiissitsineq, nassuiaatit, naatsorsuusereriaaseq atorneqartoq, aningaasat ingerlaarnerinik naatsorsuutit, pisussaaffiit kiisalu ukiumoortumik nalunaarut.

Imm. 2. Ukiumoortumik naatsorsuutit suliarineqassapput ukiumoortumik naatsorsuutit

kukkunersiuisunit uppernarsaasikkat kiisalu tapiliussat Aningaasaqarnermut Pisortaqarfiup ukiumut pineqartumut piffissaliussaa nallertinnagu saqqummiunneqarsinnaangorlugit.

§ 5. Ukiumoortumik naatsorsuutit aammalu ukiumoortumik nalunaarut suliffeqarfiup qullersaqarfianit kiisalu pisortaqarfimmit akisussaasumit atsiorneqassapput.

Imm. 2. Ukiumoortumik naatsorsuutit suliffeqarfiup pigisaanik akiitsuinillu, aningaasatigut inissisimaneramik kiisalu angusaanik eqqortumik takutitsissapput.

Imm. 3. Nalunaarummi matumani aalajangersakkanik atuineq imm. 1-imi taaneqartutut eqqortumik takutitsisoqarnissaanut naammangippat qullersaqarfik tamanna pillugu ukiumoortumik nalunaarummi nassuiaateqassaaq.

§ 6. Ukiumoortumik naatsorsuutini, ukiumoortumik nalunaarummi il.il. kisitsisit tamarmik danskit kroniinut allassimasassapput.

Imm. 2. Ukiumoortumik naatsorsuutini kisitsisini aningaasat nunat allamiut aningaasaasa danskit kroniinut naatsorsoqqinnerisigut pissarsiarineqarpata, naatsorsueqqinneq assigiimmik tunngaveqarluni pissaaq.

Imm. 3. Pisassat akiligassallu kisitsisitaasa akornanni imaluunniit aningaasartuutit isertitallu kisitsisitaasa akornanni paarlaassuilluni naatsorsuuisoqassanngilaq.

Kap. 3.

Nalinik annertussusiliisarneq pillugu aalajangersakkat

§ 7. Ukiumoortumik naatsorsuutini pineqartut nalingi annertussusilerneqartassapput periaatsit makku nalinginnaasut naapertorlugit:

- 1) Suliffeqarfik suliainik ingerlatsiinnartussatut naatsorsuutigineqarpoq. Aningaasat pisariaqartinneqartut Landskarsimit tunniunneqarnissaat naatsorsuutigineqassaaq.
- 2) Nalinik annertussusileeriaatsit ukiumit naatsorsuusiorfiusumit tullianut allanngortinneqassanngillat.
- 3) Nalinik annertussusiliineq tamatigut pisassaaq pissusissamisoortumik mianersormik takutitsinikkut pingaartumillu imatut:
 - a) piffissami oqimaaqatigiissitsiffiusumi iluanaarut paasineqartoq kisimi ilanngunneqassaaq,
 - b) nalaassinnaasat annaasaqaataasinnaasullu siumut naatsorsuutigineqarsinnaasut ukiumoortumik naatsorsuutini imaluunniit ukiumi naatsorsuusiorfiusumi siusinnerusumi pineqartut ukiup naatsorsuusiorfiusup iluani pilersut tamarmik eqqarsaatigineqartassapput, nalaassinnaasat annaasinnaasalluunniit taakku aatsaat ilisimaneqaleraluarpataluunniit piffissap oqimaaqatigiissitsiffiusup aammalu piffissap ukiumoortumik naatsorsuutit suliarineqarfiisa akornanni, aamma
 - c) nalikilleriaataasut suulluunniit eqqarsaatigineqartassapput, ukiumoortumik naatsorsuutit annaasaqarnermik iluanaaruteqarnermilluunniit takutitsigaluarpataluunniit.
- 4) Ukiumi naatsorsuutit atuuffianni isertitat aningaasartuutillu eqqarsaatigineqassapput piffissap akiliiffiusimasoq apeqqaatinnagu.
- 5) Pigisat akiitsullu immikkuualuttortaata tamaasa immikkut nalingi annertussusilerneqassapput.
- 6) Ukiut tamaasa ammaanermi oqimaaqatigiissitsineq ukiup siuliani oqimaaqatigiissitsinermut

naapertuuttassaaq.

Imm. 2. Periaatsit taakku nalinginnaasut aatsaat immikkut pisoqartillugu sanioqqunneqarsinnaapput aatsaallu Naalakkersuisunit akuersissummik pissarsereernikkut pisariaqarpallu kingornatigut aningaasaliisoqarnissaanik qinnuteqaateqarnikkut.

Imm. 3. Imm. 2 malillugu sanioqqutitsinerit nalunaarsuutini allanneqassapput pissusissamisoortumillu patsisilerneqassallutik, soorluttaaq taakku suliffeqarfiup pigisaanut akiitsuinullu, taassuma aningaasatigut inissisimaneranut angusaanullu sunniutissai - tassunga aamma ilanngullugu aningaasartatigut sunniutissaa allanneqassallutik.

§ 8. § 7 imm. 1, nr. 2 sanioqqunneqarpat ukiumoortumik naatsorsuutit ukiumi allannguuteqarfigisaanni periaaseq nutaaq malillugu suliarineqassapput pissusissamisoortumik imm. 3 eqqarsaatigiitigalugu.

Imm. 2. Naatsorsuutini pineqartut allanngortinneqassapput ukiumi allanngortitsiviusumi ammaanermi oqimaaqatigiissitsinermi periaaseq nutaaq naapertorlugu.

§ 9. Pigisat suliffeqarfimmit ataavartumik pigisassanngorlugit imaluunniit atugassanngorlugit aalajangikkat tassaapput sanaartukkatigut pigisat. Pigisat allat tassaapput kaaviiartitatigut pigisat.

§ 10. Aningaasaliinikkut sanaartukkanit pigisat aammalu sanaartukkatigut pigisat tigussaannngitsut naatsorsuutini ilanngunneqarsinnaanngillat.

Imm. 2. Aktiat ukiumi pisiarineqarfianni aningaasartuutit allanneqassapput aammalu oqimaaqatigiissitsinermi naleqannngitsut ilanngunneqassallutik. Pissarsiarineranni nalingat, taaguutigiinnarlugu nalingat, nalingat ilorleq kiisalu piginnittup pisassaa nalunaarsuutini allanneqassapput.

Imm. 3. Sanaartukkatigut imaluunniit kaaviiartitatigut pigisat tigussaasut nalingi qaffatsinneqarsinnaanngillat.

§ 11. Sanaartukkatigut pigisat ataasiartat 50.000 kr. inorlugu nalillit ukiumi pissarsiariffigisaanni tamakkiisumik aningaasartuutit allanneqassapput. Sanaartukkatigut pigisat allat nalingi annertussusilerneqassapput aammalu oqimaaqatigiissitsinermi ilanngunneqassallutik.

§ 12. Sanaartukkanit pigisat nalingisa pissarsiarineranni akii imaluunniit niuernermi akii tungavigalugit annertussusilerneqassapput.

Imm. 2. Pissarsiarineranni aki pineqartarpoq pisiarineranni akianut aningaasartuutit ilanngullugit, aningaasartuutit pigisat pissarsiarinerannut pissutaasut piffissaq pigisap atulernissaata imaluunniit atulersinnaanissaata tungaanut.

Imm. 3. Sanaartugaatit pissarsiarineranni aamma atortunik ikiuutaasunik aamma/imaluunniit kingoraartissanik ilaqarpata aammalu taakku pigisap pissarsiarineranut peqatigitillugu pissarsiarineqarpata, taakku pissarsiarinninnermi akimut ilanngunneqassapput.

Imm. 4. Niuernermi aki pissarsiarineqartarpoq tunisassiassap aammalu atortut ikiuutaasut pissarsiarineranni akimut ilanngullugit aningaasartuutit pigisamut pigilikkamut toqqaannartumik tungatinneqarsinnaasut. Tunisassiornermi aningaasartuutit toqqaannartuunngitsut kiisalu siammartiterinermi aningaasartuutit niuernermi akimut ilanngunneqarsinnaanngillat.

§ 13. Sanaartukkanit pigisat pissarsiarineranni imaluunniit niuernermi akiat ukiumoortumik

nalikilliliinikkut annikillisinneqartassaaq sanaartukkanit pigisap piffissami atorneqarfianut periaaseq nalikillileriffiususaaq malillugu.

Imm. 2. Nalikilliliinerit naatsorsorneranni piffissaaq atorneqarfiusoq suliffeqarfiup qanoq issusianut sanilliullugu pitsaanerpaatut naleqqussorisaq suliffeqarfiup atussavaa.

Imm. 3. Piffissat atorneqarfittut atorneqartut taamaallaat Aningaasaqarnermut Pisortaqarfiup akuersineratigut allanngortinneqarsinnaapput.

§ 14. Sanaartukkanit pigisat nalingat nalimit § 12 malillugu naliliunneqarsinnaasumit annikinneruppat patsisaasunit saneqqunneqarsinnaasutut isigineqarsinnaanngitsunik patsiseqartumik, pigisat pineqartut nalimut annikinnerusumut nalikillilerneqassapput.

Imm. 2. Imm. 1 malillugu nalikilliliineri, imaluunniit nalikilliliissummik utertitsineri nalikilliliineq angusat naatsorsuusiorderanni ilanngunneqassaaq.

Imm. 3. Nalikilliliissutigeriikkat taamaallaat Aningaasaqarnermut Pisortaqarfiup akuersineratigut utertinneqarsinnaapput aammalu taamaallaat nalikilliliinissamut tunngavissap tunngavissaajunnaarneratigut.

§ 15. Kaaviiartitanit pigisat nalingi pissarsiarineranni akii imaluunniit niuernermi akii tunngavigalugit annertussusilerneqassapput.

Imm. 2. Pissarsiarineranni aki pineqartarpoq pisiarineranni akianut aningaasartuutit ilanngullugit, aningaasartuutit pigisat pissarsiarinerannut pissutaasut, taamaattorli aningaasartuutit taamaallaat tunisassiamut pineqartumut toqqaannartumik tunngatinneqarsinnaasut.

Imm. 3. Niuernermi aki pissarsiarineqartarpoq tunisassiassap aammalu atortut ikiuutaasut pissarsiarineranni akimut ilanngullugit aningaasartuutit tunisassiamut pineqartumut toqqaannartumik tunngatinneqarsinnaasut. Tunisassiornermi aningaasartuutit toqqaannartuunngitsut kiisalu siammartiterineri aningaasartuutit niuernermi akimut ilanngunneqarsinnaanngillat.

§ 16. Nioqqtissat uninngasuutit nalingisa annertussusilernissaat naatsorsorneqarsinnaavoq agguaqatigiissillugu akit uuttukkat tunngavigalugit, "isertut siulliit - siulliullutik anissapput" (periaaseq FIFO) imaluunniit periaaseq alla assingusoq.

Imm. 2. Nioqqtissanit uninngasuutit qanorluunniit pisoqaraluarpat piffissami oqimaaqatigiissitsiffiusumi ullumikkut akigitamit akimut qaffasinnerusumut inissinneqarsinnaanngillat.

Imm. 3. Imm. 2 malillugu nalit annertussusilernerat imm. 1-mit annikinnerusumik naleqalersitsippat, assigiinngissut nalunaarsuutini nassuiarneqassaaq aammalu nalimik annertussusileriaaseq allanneqassalluni.

§ 17. Nioqqtissat uninngasuutit nalingat nalimit § 16 malillugu naliliunneqarsinnaasumit annikinnerungaatsiarpat qaangiuttussatut isigineqarsinnaanngitsunik patsiseqartumik, nioqqtissat uninngasuutit nalikillilerneqassapput.

Imm. 2. Nioqqtissat uninngasuutit nioqqtigineqarsinnaanngitsutut isigineqarsinnaanerit tunngavissaqarpat ilanngaaseerernikkut nalikillilerneqassapput.

Imm. 3. Imm. 1 imaluunniit 2 malillugu nalikilliliineri imaluunniit nalikilliliissummik utertitsineri nalikilliliineq angusat naatsorsuusiorderannut ilanngunneqassaaq.

Imm. 4. Nalikilliliissutigeriikkat taamaallaat Aningaasaqarnermut Pisortaqarfiup akuersineratigut

utertinneqarsinnaapput aammalu taamaallaat nalikilliliinissamut tunngavissap tunngavissaajunnaarneratigut.

§ 18. Kaaviiartitsinikkut pigisat allat nalikillilerneqartussanngortinneqassapput, imaalillugit piffissami oqimaaqatigiissitsiffiusumi nalimut appasinnerusumut allamut nalilerlugit, pisut immikkut ittut pissutigalugit annertussusilerfissaannut.

Kap. 4.

Ukiumoortumik naatsorsuutiniq ilusiliinissaq

§ 19. Ukiumoortumik naatsorsuutit paasiuminartumik ilusilerneqassapput aammalu nalunaarummut uunga naapertuuttumik.

Imm. 2. Suliffeqarfiit ilusilissavaat angusanut naatsorsuutit, oqimaaqatigiissitsineq aammalu aningaasat ingerlaarnerisa naatsorsuusiorderat ilaliussami skema A-miit C-mut naapertuuttumik:

- 1) skema A: angusanik naatsorsuusiorderat nalunaarutitut ilusilerlugit, sumut atornerinut agguataarlugit,
- 2) skema B: oqimaaqatigiissitsineq kontutut ilusilerlugit,
- 3) skema C: aningaasat ingerlaarnerisa nalunaarusiorderat, periaaseq toqqaannartuunngitsoq malillugu.

Imm. 3. Ilaliussami skema A-miit C-mut naatsorsuutini pineqartut immikkut allanneqassapput aammalu tulleriinnilernissaattut taaneqartut malillugit. Naatsorsuutini pineqartut sukumiinerusumik agguarnilersorneqarsinnaapput arabiamiut kisitsisaat malillugit (1, 2, 3 il.il.). Naatsorsuutini pineqartut arabiamiut kisitsisaannik nutaanik ilaneqarsinnaapput, taakku imaat naatsorsuutini pineqartuni pioreersuni kisitsiseqareersinneqanngippata.

Imm. 4. Naatsorsuutini pineqartut arabiamiut kisitsisaannik kisitsisertallit ataatsimut katinneqarsinnaapput aningaasartaat aatsaat annikitsuinnaappata imaluunniit katinneri paasiuminarterulersitsissappata. Taaneqartumi kingullermi naatsorsuutini pineqartut katinneri nalunaarsuutini immikkut allanneqassapput.

§ 20. Angusat naatsorsuusiorderanni, oqimaaqatigiissitsinermi kiisalu nalunaarsuutini naatsorsuutitigut pineqartuni tamani ukiup naatsorsuusiorderfiusup siuliani aningaasartat taamaaqataat tusinde kruuninngorlugit allanneqassapput.

Kap. 5.

Angusanut naatsorsuutini pineqartunut ataasiakkaanut aalajangersakkat immikkut ittut

§ 21. Kaaviiartitat ilanngaeseriikkat tassaapput tunisassiat aamma/imaluunniit sullissinerit, suliffeqarfiup pisarnermisut imaluunniit ileqqusumik ingerlanneranut tunngasut tunineranni isertitat, taakkunani akit appariaataannik ilanngaasikkat kiisalu akitsuutit akileraarutilluunniit tunisinermut toqqaannartumik attuumassutillit.

§ 22. Isertitat aningaasartuutillu pingaaruteqartut suliffeqarfiup ileqqusumik ingerlanneranit allamut tunngassuteqartut kiisalu isertitat aningaasartuutillu pingaaruteqartut ukiumut naatsorsuusiorderfiusumut allamut tunngassuteqartut isertitat immikkut ittut aammalu aningaasartuutit immikkut ittut ataanni

allanneqassapput.

Kap. 6.

Oqimaaqatigiissitsinermi pineqartunut ataasiakkaanut aalajangersakkat immikkut ittut

§ 23. Pigisaaq akiitsorluunniit ilusiliinermut skemami pineqartut arlariit ataanni attuumassuteqarpat, taassuma pineqartunut allanut attuumassutai allanneqassapput qulequttap taassuma ikkunneqarfiani imaluunniit nalunaarsuutini, taamatut allannissaq ukiumoortumik naatsorsuutit paasineqarnissaannut pisariaqartinneqarpat.

Imm. 2. Sanaartukkatigut pigisat ataanni pineqartuni tamani oqimaaqatigiissitsinermi imaluunniit nalunaarsuutini makku paasissutissiissutigineqassapput:

- 1) ukiup naatsorsuusiorfiusup siuliata naanerani pissarsiarinerani imaluunniit niuernermi akia,
- 2) pisiat nutaat, tassani ilanngullugu ukiup ingerlanerani pitsanngoriaatsit annertuut,
- 3) ukiup ingerlanerani peertut, pissarsiarineranni imaluunniit niuernermi akiinut allallugit,
- 4) ukiup ingerlanerani qulequttanut allanut nuussinerit,
- 5) ukiumut nalikilliliissutit,
- 6) piffissap oqimaaqatigiissitsiffiusup tungaanut ataatsimut nalikilliliinerit, ukioq atuuttoq ilanngullugu,
- 7) ukiut siuliini nalikilliliinerit iluarsissutaat, tassani ilanngullugit pigisat arsaarinnissutigineqartut imaluunniit ingerlatsinermit atorunnaartut nalikillilernerit.

§ 24. Pisassat ukiup naatsorsuusiorfiusup naareerneranit pisoqaanerusut piffissami sivilunerusumi pisassatut isigineqassapput aammalu arabiamiut kisitsisaanni qulequtsiussani tamani ataasiakkaani immikkut allanneqassallutik.

Imm. 2. Pisassanut tunngatillugu nalunaarsuutini minnerpaamik paasissutissiissutigineqassapput nalit qaammatinut ukununnga agguataarlugit: qaammatit 0-6, qaammatit 6-12 kiisalu qaammatinit 12-nit amerlanerusunut.

Imm. 3. Pisisartunit siumut akiliinerit akiitsuni tamatumunnga qulequtsiussap aalajangersimasup ataani allanneqassapput.

§ 25. Ukiup naatsorsuusiorfiusup naareernerani ukiup ataatsip ingerlanerani akiitsut akilerneqartussiat, piffissami sivikitsumi akiitsutut isigineqassapput aammalu arabiamiut kisitsisaanni qulequtsiussani tamani ataasiakkaani immikkut allanneqassallutik kiisalu taakku katinnerisa nalaanni.

Imm. 2. Ukiup naatsorsuusiorfiusup naareernerani ukiup ataatsip ingerlanerani akiitsut akilerneqartussiat, piffissami sivilunerusumi akiitsutut isigineqassapput aammalu arabiamiut kisitsisaanni qulequtsiussani tamani ataasiakkaani immikkut allanneqassallutik kiisalu taakku katinnerisa nalaanni.

Imm. 3. Akiitsut feeriarnersiutissanit akiitsutut ittut immikkut ittumik allanneqassapput.

Imm. 4. Oqimaaqatigiissitsinermi akiitsuni qulequtsiussani tamani paasissutissiissutigineqassaaq akiitsup ilaa piffissap oqimaaqatigiissitsiffiusussap kingorna ukiut 5 sinnerlugit akilerneqartussiaq.

§ 26. Aningaasartuutit piffissaq oqimaaqatigiissitsiffiusussaq sioqqullugu akilerneqareersut, kisianni ukiup tullissaanut tunngassuteqartoq, pigisani qulequttat piffissanut killilikkat ataanni

allanneqassapput. Isertitat piffissaq oqimaaqatigiissitsiffiususaaq sioqqullugu isertut imaluunniit fakturaliunneqartut, kisianni ukiup tullissaanut tunngassuteqartoq, pigisani qulequttat piffissanut killilikkat ataanni allanneqassapput.

Imm. 2. Aningaasartuutit ukiumut naatsorsuuseriorfiusumut tunngassuteqartut, kisiannili aatsaat ukiup tulliani akilerneqartussat, akiitsut ataanni allanneqassapput. Isertitat ukiumut naatsorsuuseriorfiusumut tunngassuteqartut, kisiannili aatsaat piffissap oqimaaqatigiissitsiffiusussap kingorna akilerneqartussiat, pisassat ataanni allanneqassapput.

Kap. 7.

Ukiumoortumik nalunaarusiaq, nassuiaatit aammalu naatsorsuusereriaaseq atorineqartoq

§ 27. Ukiumut nalunaarutip imarissavai suliffeqarfiup aningaasatigut iliuusaani pissutsinilu pisimasut pillugit tutsuuviginartumik nassuiaat, tassani ilanngullugit allannguutit suliffeqarfiup avataani avatangiisiinut, niuernermi tunngavianut ataatsimullu isigalugu inuiaqatigiinnut pingaarutaanut tunngatinneqarsinnaasut. Aammattaaq ukiup ingerlanerani iliuutsit pisimasut pillugit nassuiaat tunniunneqassaaq.

Imm. 2. Ukiumoortumik naatsorsuutit pissutsinik nalinginnaasuunngitsunik annertugisassaasumik sunnerneqarsimappata kiisalu ukiumoortumik naatsorsuutit naatsorsuuseriorneranni annertuumik nalornisoortoqarsimappat, tamanna nalunaarutip ilaani immikkut ittumi paasissutissiissutigineqassaaq. Paasissutissat tamaasa immikkoortillugit paasissutissiissutigineqassapput, ajornanngippat aningaasartaat taallugit.

Imm. 3. Ukiumoortumik nalunaarutip aammattaaq imarissavai:

- 1) pisut pingaaruteqartut ukiup naatsorsuuseriorfiusup naammassinerata kingorna pisimasut,
- 2) suliffeqarfiup ineriartornissaatut suliaasaatullu naatsorsuutigisat,
- 3) ukiumut angusat ineriartornissatut naatsorsuutigisamut sanilliullugu, suliffeqarfiup tamanut ammasumik nalunaarutigisimasaanut imaluunniit pisussaaffigilersimasaanut aammalu tamatumunnga sanilliullugu angusap sanioqqutitsisimaneranut patsisaasoq,
- 4) aqutsinikkut sulisoqarnikkullu allannguutit ukiup ingerlanerani pisimasut, aammalu
- 5) inuit suliffeqarfimmi sulisimasut amerlassusiisa qanoq pisimanagerat, ukiunut amerlassusilerlugit naatsorsuusiukkat.

§ 28. Naatsorsuusereriaatsimi atorineqartumi paasissutissiissutigineqassapput nalinik annertussuseriaatsit ukiumoortumik naatsorsuutini qulequtsiussani assigiinngitsuni atorineqartut kiisalu nalikilliliinerni imaluunniit nalikilliliinerni utertitassatut akuerisaasuni naatsorsuuseriaatsit atorineqartut. Sanaartukkatigut pigisanut tunngatillugu naatsorsuusernermi piffissatut atorsimasat taaneqassapput.

§ 29. Qulequttap illuartitat ataanni taamaallaat allanneqassapput aningaasartat, annaasat, pisussaaffiit imaluunniit aningaasartuutit aalajangersimasut matussusernissaannut siunertaqartut, ukiumut naatsorsuuseriorfiusumut tassunga imaluunniit siusinnerusumut tunngatinneqarsinnaasut aammalu piffissami oqimaaqatigiissitsiffiusumi taamaasorinartut imaluunniit taamaavissut, kisianni annertussusiannut imaluunniit piffissamut akilerneqarfiannut tunngatillugu nalorninartut.

Imm. 2. Aningaasat illuartitat pigisat nalingisa iluarsissutissaattut atorneqassanngillat. Aningaasat illuartitat aammattaaq aningaasartat pisariaqartinneqartut qaangissanngilaat.

§ 30. Nalunaarsuutini paasissutissiissutigineqassapput tulleriinneri malillugit soraarnerussutisiatigut, sulisoqarnikkut aammalu sulisut pigisaasa assartornerisigut pisussaaffiit aammalu aningaasatigut pisussaaffiit allat oqimaaqatigiissitsinermi allanneqarsimanningsut katillugit annertussusii.

Imm. 2. Pisussaaffiusinnaasut annertussusii paasissutissiissutigineqassapput, tassani ilanngullugit qularnaveeqqutitigut pisussaaffiit oqimaaqatigiissitsinermi allanneqarsimanningsut.

Imm. 3. Suliffeqarfiup isumaqatigiissutitigut pisussaaffii paasissutissiissutigineqassapput.

Imm. 4. Eqqartuussivinnut suliassanngortitat aammalu eqqartuussivikkut suliassat nukinginnartut paasissutissiissutigineqassapput suliffeqarfik eqqartuussivimmu suliassanngortitsisutut imaluunniit suliassanngortitaasutut inissisimanersoq apeqqutaatinnagu kiisalu suliffeqarfik eqqartuussineri peqataasussatut siumut ilamasaarneqarsimanagera apeqqutaatinnagu.

§ 31. Nalunaarsuutini isumakkeerineq, nalikilliliineq imaluunniit nalikilliliinerup utertinnissaanik akuersissut takuuk §§ 17 aamma 18 pissusissamisoortumik patsisilerneqassapput.

Kap. 8.

Kukkunersuineq

§ 32. Ukiumoortumik naatsorsuutit kukkunersuiusumit naalagaaffimmit akuerisaasumit Inatsisartunit toqqakkamit kukkunersiorneqassapput.

Imm. 2. Kukkunersuiusup kukkunersuisarnermi ileqqoq pitsaasoq naapertorlugu ukiumoortumik naatsorsuutit kukkunersuiussavai aammalu tassunga ilanngullugu suliffeqarfiup naatsorsuutitigut pappiaraatai aammattaaq suliffeqarfimmi pissutsit isornartorsiuerpalaartumik misissussallugit.

Imm. 3. Kukkunersuiusoq pissutsinik sulinermi nalaani paasisaqarfigisaminik immikkut ittumik tapertaasumik paasissutissiissaaq aammalu direktionimi ilaasortat suliffeqarfimmut, Landskarsimut, akiitsoqarfigisanut imaluunniit sulisunut tunngatillugu iliuutsinut imaluunniit iliuuserinngitsuukkanut taarsiissuteqarnissamut pillagaanissamulluunniit akisussaatinneqarsinnaanerannik pasitsaasinerit tunngavilersussallugit.

Imm. 4. Kukkunersuiusup maleruassavai kukkunersuineq pillugu piumasagaatit Inatsisartut piumasagaasiussai, taakku inatsisinut imaluunniit kukkunersuisarnermi ileqqumut pitsaasumut akerliunngippata.

§ 33. Qullersaqarfiup kukkunersuiusoq paasissutissanik suliffeqarfiup taassumalu ukiumoortumik naatsorsuutaasa nalilernissaannut pingaaruteqartutut isigineqarsinnaasunik tunissavaa.

Imm. 2. Qullersaqarfiup kukkunersuiusoq misissuinissanut taassuma pisariaqartutut isigisaanut periarfississavaa aammalu kukkunersuiusup suliame ingerlannissaanut pisariaqartutut isigisaanik paasissutissanik ikiortissanillu pissarsinissaa isumagissallugu.

Imm. 3. Qullersaqarfiup atsiornermigut naatsorsuutitut tapiliussaqa akuersissutigissavaa.

§ 34. Kukkunersuineq naammassereerpat kukkunersuiusup naatsorsuutitut uppersaasiinermigut

uppersassavaa, kukkunersiuisup ukiumoortumik naatsorsuutit kukkunersiorsimagai aammalu taamaaliornissamut iliuitsit pisariaqartut iliuserisimagai.

§ 35. Kukkunersiuisoq Inatsisartut atugassaannik kukkunersiuinermi allattaavimmut allattuissaaq.

§ 36. Kukkunersiuisoq aammalu taassuma suleqatai suliffeqarfiup naatsorsuutai imaluunniit pissutsit allat pillugit susassaqqanngitsunut paasissutissiisanngillat.

Kap. 9.

Ukiumoortumik naatsorsuutit il.il. tamanut ammasumik nalunaaruteqarneq

§ 37. Ukiumoortumik naatsorsuutit Landskarsip naatsorsuutaanut ilaapput.

Imm. 2. Pisortaqqarfik sulianut akisussaasoq ukiumoortumik naatsorsuutit Aningaasaqarnermut Pisortaqqarfimmut nassiussissaaq.

Imm. 3. Ukiumoortumik naatsorsuutit imaluunniit taassuma ilai tamanut ammasumik nalunaarutigineqassanngillat Naalakkersuisunut saqqummiuteqqaartinnagit.

Imm. 4. Ukiumoortumik naatsorsuutit ukiumut aningaasaliiffiusumut pineqartumut Landskarsip naatsorsuutaanut ilanngullugit Inatsisartuni saqqummiunneqassapput akuersissutigineqarnissaat siunertaralugu.

§ 38. Suliffeqarfik ukiumut naatsorsuutit tamakkiisumik tamanut ammasumik nalunaaruteqarpat, tamanna pissaq iluseq oqaasertallu kukkunersiuinermi atorneqarsimasut malillugit aammalu kukkunersiuisimanermik uppersaatalimmik.

Imm. 2. Ukiumoortumik naatsorsuutit tamakkiisuunngitsut tamanut ammasumik nalunaarutigineranni, tamanut ammasumik nalunaarummi erseqqissumik oqaatigineqassaaq ukiumoortumik naatsorsuutit naalisagaasut. Kukkunersiuinermik uppersaat tamanut ammasumik nalunaarummut naalisakkamut ilanngutissallugu pisariaqqanngilaq, kisiannili tamanut ammasumik nalunaarummi erseqqissumik oqaatigineqassaaq, kukkunersiuisoq allannguuteqartitsisinaasoq.

Kap. 10.

Piffissanut aalajangersimasunut naatsorsuusiorneq

§ 39. Suliffeqarfiit ukiup affaanut naatsorsuusiussapput, junip naanerani. Tamatuma saniatigut pisortaqqarfiup nalunaaruteqarnissamut akisussaasup aalajangersinnaavaa piffissamut naafferartumut naatsorsuutit piffissami sorlermi suliffeqarfik saqqummiussissanersoq.

Imm. 2. Ukiup affaanut naatsorsuutit pineqassapput angusanut nalunaarsuutit, oqimaqqatigiissitsineq, aningaasat ingerlaarnerannut nalunaarsuutit kiisalu ingerlatsiner mi missingersuusiamut suliffeqarfiullu ineriartorneranut sanilliullugu piffissaq pineqartoq pillugu naatsumik missingiut.

Imm. 3. Imm. 2-mi taagorneqartut ilaat suliffeqarfiup aningaasatigut inissisimaneramik tamakkiisumik takussutissiinissamut naammangippata, tamanna pillugu saniatigut paasissutissiisoqassaaq.

Kap. 11.

Atuutilerfia, ikaarsaariarnissamut maleruagassat aammalu inatsisinut allanut tunngasut

§ 40. Nalunaarut atuutilerpoq 1.1.1998 ukioq naatsorsuuseriorfiusoq 1998 aallarnerfigalugu.

§ 41. Suliffeqarfiit ataasiakkaat maleruagassat uku naapertorlugit 1998-imut ammaanermut oqimaaqatigiissitaliussaaq.

Imm. 2. Piffissaq 1. januar 1998-imiit 31. december 1998-imut, ullut taakku marluk ilanngullugit, ukiutut ikaarsaariarfittut taaneqassapput.

Imm. 3. Ukiumi ikaarsaariarfiusumi naatsorsuusereriaatsimut allanngortitamut tunngatillugu saneqqutisinnaanerit pillugit immikkut ittumik nassuiaasiortoqassaaq.

Imm. 4. Sanaartukkatigut kaaviaartitatigullu pigisat 1. januar 1998-imi pigineqartut, naqqinneqassapput aammalu piffissami pissarsiarineraniit aalajangersakkamit matuminnga pineqarsimasutut nalilerlugit ilanngunneqassallutik.

Imm. 5. Ukiumi ikaarsaariarfiusumi kisitsisit sanilliussassat takuuk § 16 ilanngunneqanngissinnaapput, ukiumi naatsorsuuseriorfiusumi kingullermi kisitsisit naqqinnissaat annertuumik aningaasartuutaasumik imaluunniit piffissamik atuiffiusumik annertuumik pisinnaanngippat.

Namminersornerullutik Oqartussat, ulloq 26. november 1998.

Daniel Skifte

/

Peter Beck

Namminersornerullutik Oqartussat suliffeqarfiutaasa namminersortitat naatsorsuuseriveqarnerat il.il. pillugit Namminersornerullutik Oqartussat nalunaarutaannut nr. 25, 26. november 1998-imeersumut ilanngussaq.

- 1) skema A: angusanik naatsorsuusiata nalunaarutitut ilusilerlugit, sumut atornerinut agguataarlugit,
 - 2) skema B: oqimaaqatigiissitsineq kontutut ilusilerlugit,
 - 3) skema C: aningaasat ingerlaarnerisa nalunaarusiornerat, periaaseq toqqaannartuunngitsoq malillugu.
-

**Namminersornerullutik Oqartussat suliffeqarfiutaasa namminersortitat
naatsorsuuseriveqarnerat il.il. pillugit Namminersornerullutik Oqartussat nalunaarutaannut
nr. 25, 26. november 1998-imeersumut ilanngussa.**

Skema A: angusanik naatsorsuusiatic nalunaarutitit ilusilerlugit, sumut atornerinut agguataarlugit

ANGUSANUT NAATSORSUUSIAT

I. Kaaviiartitit ilanngaaseriikkat

II. Tunisassiornermi aningaasartuutit

1. Atortunik atuineq

2. Akissarsiat

3. Aningaasartuutit allat

III. Angusat tamakkiisut

IV. Pisinnaasatigut aningaasartuutit

1. Sulisunut aningaasartuutit

2. Aningaasartuutit allat

V. Nalikilliliinnginnermi angusat

VI. Isumakkeerinninnerit

VII. Nalikilliliinerit

VIII. Aningaasaliissutitigut qulequttat pitinnagit angusat

IX. Ernianit isertitit

X. Ernianut aningaasartuutit

XI. Qulequttat immikkut ittut pitinnagit angusat

XII. Isertitit immikkut ittut

XIII. Aningaasartuutit immikkut ittut

XIV. Ukiumut angusat

**Namminersornerullutik Oqartussat suliffeqarfiutaasa namminersortitat
naatsorsuuseriveqarnerat il.il. pillugit Namminersornerullutik Oqartussat nalunaarutaannut
nr. 25, 26. november 1998-imeersumut ilanngussa.**

Skema B: oqimaaqatigiissitsineq kontutut ilusilerlugit

PIGISAT

SANAARTUKKATIGUT PIGISAT

I. Sanaartukkatigut pigisat tigussaasut

1. Nunaatit illuutillu
2. Teknikkikkut atortuutit maskiinallu
3. Biillit aamma qamutit motorillit
4. Sanaartugaatit allat, ingerlatsinermi atortut pequtillu
5. Saanartukkani pigisatigut siumut akilikkat

KAAVIIAARTITATIGUT PIGISAT

I. Nioqutissanit uninngasuutit

1. Tunisassiassat aammalu atortut ikiuutit
2. Nioqutissat nioqutissiarineqartut
3. Inerlugit nioqutissiat aammalu nioqutissat niuerutissat
4. Suliat ingerlanneqartut allat akiligassaat
5. Nioqutissanut siumut akilikkat

II. Pisassat

1. Tunisanit sullissinernillu pisassat
2. Pisassat allat
3. Piffissanut killiliussat

III. Uninngasuutit tigorianaat

AKIITSUT

NAMMINEQ ANINGAASAATIT

I. Aningaasaliussat

II. Sinneqartoorutit amigartoorutilluunniit nuutaat

1. Ukiup siulianit nuuttat

2. Ukiumut angusanit nuuttat
3. Ukiumut aningaasaliissutit ilanngaaseriikkat

AKILIGASSAT

I. Akilerasuagassat

1. Siumut akiliutit pisisartunit tigusat
2. Nioqutissanik sullissinernillu pilersuisoq
3. Landskarsimut akiligassat/tigusisinnaatitaaneq
4. Akilerasuagassat allat
5. Piffissanut killilikkat

II. Akilerasuagassaanngitsut

1. Landskarsimit taarsigassarsiat
2. Akilerasuagassaanngitsut allat

ILLUARTITAT

**Namminersornerullutik Oqartussat suliffeqarfiutaasa namminersortitat
naatsorsuuseriveqarnerat il.il. pillugit Namminersornerullutik Oqartussat nalunaarutaannut
nr. 25, 26. november 1998-imeersumut ilanngussa.**

Skema C: aningaasat ingerlaarnerisa nalunaarusiornerat, periaaseq toqqaannartuunngitsoq malillugu.

I. Nalikkililiinnginnerni angusat

1. Erniat ilanngaaseriikkat
2. Qulequttat immikkut ittut
3. Sanaartukkatigut pigisanik pisineq
4. Sanaartukkatigut pigisanik tunisineq
5. Taarsigassarsiat akilerasuagassaanngitsut
6. Taarsigassarsianik akilerasuagassaanngitsunik taarsersuineq

II. Aningaasaliinnginnermi angusat

1. Sulinermit aningaasaatit allannguutaat

III. Tigoriaannaat ataatsimut sunniutissaat

IV. Landskarsimit ilanngaaseereernikkut aningaasaliissutit

V. Ilangaasinnaatitaanermi allannguut

VI. Tigoriaannarni allannguut